

P. 642, L. 5【西瞿耶尼】【四大部洲】東弗于逮，亦云弗婆提，華言勝身。以其身勝南洲故也。南閻浮提，華言勝金洲。閻浮是樹，提是洲名。因樹立稱，故名閻浮提。西瞿耶尼，華言牛貨。為彼多牛，以牛為貨，故名牛貨。北鬱單越，華言勝處。以其土勝三洲故也。在須彌山北，其土正方，猶如池沼，縱廣一萬由旬；人面亦像地形，人身長三十二肘，人壽一千歲，命無中夭。～《三藏法數》

P. 642, L. -2【識通塞】通即通達，謂菩提、涅槃、六度等法，其性虛通，而能顯發實相之理，皆名為通。塞即蔽塞，謂生死、煩惱、六蔽等法，其性昏暗，以能蔽塞實相之理，不能顯發，皆名為塞。若一概言之，如前破法遍中所破諸惑為塞，能破之法為通。若別途言之，於能破觀法復起愛著，亦名為塞。所謂於通起塞。此塞須破，於塞得通，此通須護，但破塞存通。如除膜養珠，破賊護將。由上破法遍中，修之未悟，復恐於通起塞，於塞無通，所以立此通塞一門，檢彼破法遍，令於塞得通，於通無塞，故名識通塞也。（六蔽者，一慳貪、二破戒、三瞋恚、四懈怠、五散亂、六愚癡也。除膜養珠者，膜謂眼中所翳之膜，珠即眼中之睛也。）～《三藏法數》

P. 642, L. -1【圓念處法爾具足七科道品】「七科道品」：四念處、四正勤、四如意足、五根、五力、七覺分、八正道，總而合數為三十七道品。「四念處」：觀身不淨、觀受有苦、觀心生滅、觀法無我，是小乘四念處。「圓念處」：圓教四念處，身、受、心、法，四皆不思議境，為念處境。觀此四，法性空故，則一空一切空。法性假故，一假一切假。法性中故，非一、非一切，雙照一、一切，則一切非空非假、雙照空假。九法界色身，即空、即假、即中。受、心、法，亦復如是。如以一念具足百界千如三千世間，攝成三諦，名為無作念處。《楞嚴經玄義》卷2：「圓念處觀，能滅惡生善即四正勤，能成神足即四如意，能生善根即五根，能摧五障即五力，能分別道用即七覺，能安隱道中行即八正。」(X13,p.215a11-14)

P. 643, L. 1【五悔】天台智者大師為修習法華三昧之人，依據彌勒問經、占察經與普賢觀經等意，訂出五種懺悔方法，即(1)懺悔，發露自己已往之罪而誠將來；(2)勸請，勸請十方諸佛以轉法輪；(3)隨喜，對於自他一切之善根隨喜讚嘆；(4)迴向，以所修之功德回向眾生及佛道；(5)發願，發四弘誓願以導引前四行。～《佛學常見辭彙》以上五者，天台家稱為「別方便行」，乃助修法華之行

2022/8/09

門，由最初五品位至等覺位，位位皆須勤行此方便，以助開觀門。～《佛光大辭典》

P. 643, L. 2【強軟諸魔】《摩訶止觀》卷 8：「大論云：魔名花箭。亦名五箭。各射五根共壞於意。五根各一剎那。剎那若轉即屬意根。意根若壞。五根豈存。眼見可愛色名花箭。是軟賊。見可畏色名毒箭。是強賊。見平平色，不強不軟賊。」(T46,p.115b19-23)《大智度論》卷 5：「問曰：何以名魔？答曰：奪慧命，壞道法功德善本，是故名為魔。諸外道人輩言：是名欲主，亦名華箭，亦名五箭(丹本注云：五欲箭也)，破種種善事故。」(T25,p.99c18-22)

P. 643, L. 7【乘天宮】《法華經要解》卷 6：「上妙車輿即人中勝報。及乘天宮即天中勝報。」(X30,p.340b13-14)《法華經疏》：「若以聽法。根亦無邊。然往人三品。下品得乘象馬。中品得乘寶輿。上品得乘天宮。」(T85,p.185b25-26)《法華經句解》卷 6：「象馬妙車。富貴者用。珍寶輦輿。王者之器。諸天行時。則有宮殿以乘其身。」(X30,p.587c11-13)

P. 643, L. -5【坐處】《法華經演義》卷 6：「蓋此經能決了聲聞法。是諸經中王。已今當說。最為第一之者。今能分座勸聽。則其生處。在欲界天為欲界王。而得帝釋座處。在色界天為色界王。得梵王座處。在人間為人中王。而得輪王座處也。」(X33,p.252c10-14)

P. 643, L. -2【陀羅尼菩薩】智祥《法華經授手》卷 8：「語人勸聽。則利人之心切矣。故利倍廣。而報倍勝。陀羅尼乃十地位中菩薩。既得與十地位人共生一處。受報不輕。當知亦具六根功德。」(X32,p.777a21-23)通理《法華經指掌疏》卷 6：「準《大成》引《十地論》說。陀羅尼菩薩居五地。愚謂：陀羅尼。此云總持。既云總持。則一攝一切。但指圓教。勿滯位次。蓋以此經屬圓。勸聞者。自應與圓人相依。共生一處。即相依義也。相依故。熏陶漸染。故得利根智慧。利根智慧故。具法師德。獲法師相。故得百千萬世。終不瘖瘡等報。」(X33,p.653b1-7)

P. 643, L. -1【不瘖瘡等】大義《法華經大成》卷 8：「利根下。六根好報。言不成音、聲不出口。曰瘖瘡。不瘖瘡。音聲清徹也。不臭者，常出香也。舌無病，語言敏捷也。口無病，不歪斜也。齒不等，白淨齊密也。亦不等，堅固端正也。不下垂，不脫脣也。不褰縮，不短脣也。不麤等，色赤而潤。無病，不缺脣也。不尚斜，口不戾也。鼻非平薄塌鼻，亦非窳陷歪鼻也。面不等，面如滿月也。文中具六根功德。利根智慧，意根也。不瘖瘡，舌根也。鼻修高直，鼻根也。見佛，眼根也。聞法，耳根也。餘皆身根。」(X32,pp.507c23-508a8)